



14 september 2012.

Inatsisartut suleriaasiat § 37, imm. 1, naapertorlugu Naalakkersuisunut apeqquteqaat.

1. Napasumi aalisakkanut tunitsivik arnarluit suaanik tunisereernerup kingorna majip 25-nili tunisineq kingulleq pisimavoq. Maanna 14 septemberiuvoq suli aalisakkanik saarullinnik tunisiffiusinnaananiluunniit matoqqalluni. Qaqgu Napasup tunitsivia ammarneqaqqissava?
2. Atortuutitigut tunitsiviup ajutoornera pisimanerarneqarpoq. Tunitsiviup taamatut sivisutigisumik matoqqanera sumerpiaq pissuteqarpa, aammalu qaqgu ammarneqarniarpa?
3. Napasumi aalisartut licincimut saarullinnik tunisinermut akiliuteqareera-luarlutik aalisarsinnaanatillu tunisisinnaanngillat qaammatini sisamani allaat aningaasarsiornissaminnut perarfissaqaratik. Aalisarnissamut akiliuteqartarneq qaqgu Naalakkersuisut unitsilersaarpaat?
4. Nunatsinni taamatut inissisimasut tassalu tunitsiviit matoqqasut ullumikkut qassiuppat AGF-p aammalu RG-p tunitsivii? Taakkua matoqqaneri pillugit aalisartunit tunisiffiusinnaanngitsut eqqarsaatigaakka.
5. Taamatut inissisimasoqarnera pillugu ilaqtariit aningaasarsiorsinnaanerat kingunerluuteqarpoq allaat innaallagissamut ineqarnermullu akiliutissanik ajornartoortoqarluni. Taamatut aalisartut inuutissarsiuutiminnik perarfissaminillu pakasagaasut immikkut ikorsiiffigineqarsinnaanerat Naalakkersuisunit ammaffigineqarpa? aammalu qanoq iliuuseqarfigineqarniarpa?

(Inatsisartuni ilaasortaq, Ruth Heilmann, Siumut)

Tunngavilersuut: Napasumik tunitsivik ammarneqarli!

Ullumikkut inatsisartuni ilaasortatut allakkat Napasumeersut Naalakkersuisunut allagaqaataasa assingi uannut ingerlatinneqarput. Tassalu Napasumi aalisartut nuliaasa allagaat innuttaasut ataatsimiitinneqarnerannit aallaveqarluni allakkat, kiisalu aalisartut sinnerlugit Salomon Jessennip allagaai.

Taamatut apeqquteqartariaqarninnut taakkua allagaat aammalu Magdaline Kristiansen aammalu Kiistaara Jessen tamarmik aalisartunut nuliaasut qanoq erloqinartigisumik atugaqarnertik pillugit oqaluttuussereernerisa ukku apeqqutit kinguneraat.

Napasumi aalisartut atugaat imatut ajortigaat sanilerisanut Atammimmun Maniitsumut allanullu tunisiartorsinnaasaraluarlutik ilaanni taakkua aamma killilersuisoqarnera pillugu matoqqasarmata

maannalu imarsuup mallerajuttuunera aammalu benzinap akisunerujussuanik akimmisitaasarnerat saaffiginissutaanni paasinarluarpoq,namminneq qanoq iliuuseqarusussuseqarluarnerannik akimmisaartitsuullutilu mattussissuullutik.

Taamaattumik nammineq najukkaminni tunitsiviusup ammannginnera aammalu sivisoorujussuarmik matoqqanera pillugu inuuniarnermut ajornartoorluinnarermik kingunerluuteqartoq isertorsinnaanagu aammalu attassinnaanagu maanna saaffiginnissutaat ingerlatittariaqarpoq,qujanarporlu taamaaliormata.

Taamaattumik sakkortunerpaamik kissaatigara saaffiginnissut Naalakkersuisut ilungersu-nartutut tigussagaat piaarnerpaamillu iliuuseqarfialugu.